

哈密志卷之十一

輿地志 九

鄉莊

東關鄉 西關鄉 北關鄉 西回王城 蔡

把什湖莊 東台莊 東新莊 東回莊 黃

蘆崗莊 烏拉台莊 磨房溝莊 沁城南莊

西莊 北莊 芟芟台莊 長流水莊 烟

墩莊 苦水莊 沙泉子莊 星星硤莊 西

新莊 頭堡 二堡 三堡 四堡 五堡

沙棗泉 鴨子泉 瞭墩 梧桐窩 三間房

南山口 石城子 羊圈溝 南湖莊

格子烟墩泉水碑文

西塞沙漠荒遠古稱絕域凡行軍運馬每以缺  
水為慮其白墩子至格子烟墩八站均屬郭壁  
雖有一二水泉鹹而微細康熙年間富將軍設  
防雍正七年岳元戎進兵暨以後之征防官軍

屢次挑挖未得涓滴馬至二三百匹即不能足  
飲爭擠吞砂每多傷斃我

皇上德威遐敷遠邁千古乾隆丙子歲平定伊犁群

酋稽首輸誠獨阿逆等負叛逃竄是以丁丑春  
復有申罪致討之役兵行甚急戰騎首要

閣督憲黃公勞心焦思籌辦壯馬三萬良驥具

備惟慮長途乏水遲悞

奏明委余親詣查辦余受

皇恩代庖燉煌當茲軍興重務惟有竭盡心力督挑

跣挖不惟處處得水抑且反苦為甘曩飲二三

百牲畜不敷者今飲二三千人馬綽然有裕更

可奇者格子烟墩地形高阜砂磧乾燥此番鑿

井得泉水自石坂底孔穴中湧出深六尺許清

澈暢盛滔滔溥濟將弁兵民咸以為奇此皆

聖主洪福 閣督憲忠誠感格在事官軍勤力實心

故 神祇効靈助

國滅逆既昭彰顯之德宜隆崇祀之誠於是崇員

鳩工建修

龍王廟三楹用答

神庥

余

寡學不文畧述端委

以誌其盛云爾

太子太保武英殿大學士兼吏部尚書兵部尚

書兼都察院右都御史總督陝甘等處地方軍

務兼理糧餉世襲雲騎尉紀錄九次黃廷柱

賜進士第  
御前侍衛

署理安西提督印務調遣甘涼肅等處戰

兵總統哈密防務西寧總兵官加一級紀錄一

次軍功加三等劉順

署理統領駐防哈密官兵總兵官印務沙州協

副將帶世襲二等子加一級紀錄三次祖雲龍

駐防哈密管辦檔房事務安西提標左營遊擊

加一級軍功紀錄一次錢璽

乾隆二十一年歲次丁丑秋七月吉日宛平劉

順敬題勒石